

1 Timoteo

Pablo Timoteore gojabeopu

¹ Yũhũ Pablo mũre Timoteore ire gojabeogu iiaa. Goãmu marire peamegue wabonirãre taudigu ãhrimi. Jesucristo yare buhedoregu ïgu apidigu ãhraa yũhũ. Mari Pagu Jesu mera ïgu dorediro dopa ïgu apidigu ãhraa. Jesu ta marire itamumi. Eropirã marire ïgu tauborore masirã irire mucubiri cohrea mari. ² Yũhũ mũre Jesucristo yare buhecũ peegu Jesure umupeonugabu. Eropigu mũhũ diaye ta yũ magu iro dopa arĩgu ta ãhraa. Eropigu Goãmu mari Pagu mera, mari Opũ Jesucristo mera ðadorea mũre. Eropigu ïgu itamuri mera ðaro arĩque mũhũ.

Pablo gũya buherire buhedorebiripu

³ Sohõ arĩrasubure Macedonia yebague wagu mũre Efeso macague api tari wahgãbu. Ero yujurãyeri gaji buherire gũya buherã arĩma. Iri buherire buhedorebiribure apibu yũhũ mũre. ⁴ Erã gũyarã erã gamero buhemaacãma. Erã acawererã iribojegue majarã erã arĩ bocarare eropa buheniguicãma. Iri buheri mera gajirãre dũyasocũ iima. Eropirã Goãmu ïgu dorerare gajirãre icũ iibeamã erã eropa buherã. “Goãmu yũre itamugucumi,” arĩ umupeorã ïgu dorerare iima. Eropigu erã gamero buhedorebiribure apibu yũhũ mũre.

⁵ Goãmũ õpa gahmemi. Ñeri dipuwaja mariri mera, õari guñari mera, diaye Jesucristore umupeori mera, gajirãre mari mahi umupeoburire gahmemi. Irire erã iiboro dopa apibũ mure.

⁶ Erã yujurãyeri i õari buheripũre cóãtuha gaji buheripũre gahmema daja. Eropirã iri buheripũre dũyaso gorowerema. Iri erã buheri erã game dũyasori duhpiburi árĩbeaa. ⁷ Erã Moise dorerire masare buherã árĩdiaquererã ta erã basi ne õaro masibeama. Eropirã guhyadiaro mera buhequererã erã buherire ne masibeama erã.

⁸ Moise dorerire diaye ta mari buhecũ õari doreri ãhraa. Irire mari õaro masia. ⁹ Iri dorerire buherã ire masiro gahmea: Iri doreri õaro iirãre erãre buheburi árĩbeaa. Ñero iirãpũre erãre buheburi ãhraa. Õpa ta iirãre buheburi ãhraa: Dorerire tarinũgarãre, Goãmũre tarinũgarãre, ñeri dihtare iirãre, Goãmũre gamebirãre, ñero werenigui corerãre, erã pagũ sumarãre wejẽrãre, erã pago sã nomere wejẽrãre, gajirã masare wejẽrãre, ¹⁰ nome mera ñero iirãre, ũa mera ñero iirã nomere, ũa seyaro ñero iirãre, nome seyaro árĩquererã ñero iirãre, masa porãre yaja duarãre, guyaricũrãre, Moise dorerire erãre buheburi ãhraa ii. Eropiro gajirã árĩpehrerãre õari buherire tarinũgarãre buheburi ãhraa Goãmũ ĩgũ doreri. ¹¹ Goãmũ õagũ ĩgũ õari buheri mera iri ñeri iirare cóãdoremĩ. Iri buheripũre yũre Goãmũ buhedoremĩ.

*Goãmũ ĩgũ marire mojomoro ĩarire werepũ
Pablo*

¹² Eropa yu buhecũ, Jesucristo mari Opu turarire ĩgu oġu itamumi. “Pablo õaro buheġucumi yahare,” arĩ pepiñumi Jesu yure. Eropiġu yure beyegugue ta ĩġure itamubure apimi yure. ĩġu eropa iicũ “Õhaa,” arãa yuhũ ĩġure. ¹³ Iribojegue yu Jesucristore ñero wereniġuquerecũ ta, ĩġu yarãre ñero iiquerecũ ta ĩġu yure beyemi. Eropiġu ĩġure masinibiġu ĩġu yarãre ñero iigũ “Ñero iigũ iica,” arĩ pepibirimuricarabũ. Yu eropa masibiricũ ĩaġu ĩġu mojomoro ĩami yure. ¹⁴ Eropiġu Goãmu mari Opu yure burigã mahiġu õaro iimi yure. Eropiġu Jesucristore umupeocũ iimi ĩġu yure. Eropiġu ĩġure masa sãre mahicũ iimi yure.

¹⁵ Yu gajirã tauro ñetariagũ arĩribũ. Ñerã mari arĩquerecũ ta Jesucristo mari ñerire cóãbu i yebaguere erami. Marire peamegue wabonirãre taubu erami. Iri diaye ta ãhraa. ĩġu eropa arĩġu arĩcũ arĩpehrerã irire masiporo. ¹⁶ Ñetariagũ yu arĩquerecũ ta ĩġu yure mojomoro ĩami. Eropa mojomoro ĩaġu Jesucristo guaro mariro, ĩġu yure õaro iirare masicũ iigũ iimi. Puhru ĩġure umupeomorã erã sã ĩġu õaro mojomoro ĩaburire erã masiboro dopa õaro iimi yure. ĩġure eropa umupeorã arĩpehrerinuri umaroguere eropa õaro arĩniġuicãrãcoma. ¹⁷ Goãmu arĩpehrerinuri masa tauro opu ãhrimi. ĩġu ne sĩribeami. Mari mera ĩġu arĩquerecũ ta ĩġure ĩabeaa mari. Eropiġu ĩġu dihta Goãmu gohra ãhrimi. Eropirã “Diaye ta õaġu, turagũ ãhrimi ĩġu,” arĩrã ĩġure. Æmuri nũcu ĩġure umupeorã. Eropa ta iirã.

18 Timoteo yu magu iro dopa ta āhraa mūhu. Eropigu dohpaguere ire mure dorea. Jesu yarā Goāmū ya weremūhtarā erā mure werediro dopa ta mure dorea. Cristo yare ōaro werenigu-ique. Eropigu űero tariqueregu ta ĩgure umupeo duhubiricāque mūhu. 19 Jesure eropa umupeo-niguicāque. űeri dipuwaja mariro ārīque. Eropigu ōari dihtare iique. Yujurāyeri irire iibirā Jesu yare erā cohāma. Eropa cóārā ĩgure umupeo duhucāma. 20 Eropa ta iياما Himeneo, Alejandro mera. Eropigu “Watī ĩgu gamero erāre iiporo,” arīgu eropa apicābu erāre Goāmure erā űero wereniginemobiriboro dopa.

2

Goāmure serēbasarire wewepu Pablo

1 Dohpaguere ōpa arī doremūhtaa mūare: Árīpehrerā ya árīburire Goāmure serēbasaque. Eropa serērā “Ōhaa,” arīque Goāmure. 2 Oparā, gajirā masa tauro dorerā sāre, erā ōaro doreburire Goāmure serēbasaque erāre mari ōaro árīricu árīboro dopa. Eropirā gamequeāro mariro űeri marirā Goāmure umupeorā mari ōaro árīboro dopa erāre serēbasaque. 3-4 Eropa ta gajirā ya árīburi sāre mari Goāmure serēbasacū ōapūricāa. Irire mari iicū ĩagu Goāmū marire taubupu marire ōaro ĩhasuami. Árīpehrerā masa peamegue wabonirāre ĩgu taumorā dihta árīcū gahmemi Goāmū. Eropigu ōari buherire diaye majare erā masicū gahmemi ĩgu. Eropigu gajirā ya árīburire mari ĩgure

serēbasacũ mucubirimi Goãmũ. ⁵ Yujugũ ta ãhrimi Goãmũ. Eropigũ Goãmũ mera mari õaro árĩcũ amubasagũ yujugũ ta ãhrimi. Īgũ ãhrimi Jesucristo. Jesucristo sã masũ ta ãhrimi. ⁶ Eropigũ árĩpehrerã erã ñeri iira dipuwajare wajayebasadigũ árĩmi ĩgũ crusague sĩridigũ. Eropigũ Goãmũ ĩgũ queorasubu masare ire masicũ iimi. ⁷ Masa masicũ iibure ĩgũ yare werebure irire Goãmũ yũre apimi. Eropigũ judio masa árĩbirãre Jesure umupeoburire õari buherire buhebre beyemi yũre. Diaye ta mũre weregũ iiaa yũhũ. Gũyabeaa.

⁸ Árĩpehrero majarãpũ Goãmũ yare õaro iirã Goãmũre erã serēcũ gahmea. Eropa Goãmũre serērã erã guaro mariro, game dũyasoro mariro erã árĩcũ gahmea. ⁹⁻¹⁰ Nomezũre Jesu yarã erã õaro árĩricũre iicũ gahmea. Eropirã queoro erã ejatuharo suhri sañarã árĩporo. Eropirã gajiropa bejari poaricũ “Yũhũ õago ãhraa,” arĩ ĩhmubiricãporo. Eropirã õari dari oro dari waja pagari bũyarire, õari suhri waja pagari suhri sañarire guñabiricãporo. Eropirã õaro erã iira mera, erã õarã nome Jesu yarã nome erã árĩrire ii ĩhmuporo. ¹¹ Ejarimariro umupeori mera peerã õari buherire peeporo erã nome. ¹²⁻¹⁴ Eropirã nome mũa gamenererogue umare buhebiricãporo. Eropirã umare dorebiricãporo. Erã nomezũ ejarimarirã nome árĩporo. Goãmũ Adãre ĩhacũnugumũhtañumi. Īgũ pũhrũ Evare ĩhacũnuguñumi. Eropigũ watĩ ĩgũ gũyacũ peedigũ Adãn árĩbiriñumi. Īgũ gũyacũ peedigopũ Eva árĩñumo. Eropa ĩgũ

guyacũ peego Goãmure tarinugago wañumo igo. Eropirã nomepũ umare dorebircãporo. ¹⁵ Nomeo árĩmãhtadigo igo tarinugaquerecũ ta nome erã porãre õaro opacũ ãagũ erãre Goãmũ peamegue wabonirãre taugũcumi. Eropirã nomepũ Goãmure erã umupeoniguicãcũ, Goãmũ erãre itamugũcumi. Eropigũ masare Goãmũ sãre erã mahiniguicũ pee masirã nome erã árĩniguicũ Goãmũ itamugũcumi erãre.

3

Jesu yarã tauro oparã erã iiburire werepũ Pablo

¹ Jesu yarã doregũ árĩdiagu õarire iidiagu ãhrimi ãgũ. Iri diaye ta ãhraa. Eropigũ Jesu yarã doregũre apigũ õpa árĩgũpũre beyeque. ² Dipuwaja marigũre beyeque. Eropirã gajirã ãgũre weresã masiya mara. Eropigũ yujugore ta marapocũgũ árĩgũre beyeque. Eropigũ õaro pee masigũre, gũhyadiagũre, masare õaro mera ãgũ wihire ñajaridoregũre, gajirãre õaro buhemehregũre beyeque mũa. ³ Eropa beyegũ ne merebigũre, gamequeãbigũre, masare õaro iigũre, game dũyasobigũre, niyerure gamebigũre beyeque. ⁴ ãgũ porãre ãgũ marapo sãre ãgũre umupeori mera erã yãhrirã árĩcũ iigũre beyeque Jesu yarãre dorebure. ⁵ ãgũ porãre ãgũ marapo sãre õaro yãhricũ iimasibigũ árĩgũ Goãmũ yarã sãre õaro yãhricũ iimasibiribocumi. ⁶ Jesu yarã opũ árĩbure beyegũ ne Jesu yagũ ñajagũre beyebita. Ne ñajagũre beyecũ ãgũ “Jesu yarãre tauro ãhraa

yũhũ,” arĩ pepibocumi. Īgũ eropa arĩ pepicũ Goãmũ ĩgũre dipuwaja moadorebocumi watĩre ĩgũ iidiro dopa ta. Watĩ Goãmũ tauro árĩdiari waja Goãmũ ĩgũre dipuwaja moapũ. Eropigũ ne Jesure umupeogu árĩgũre beyebita. ⁷ Jesu yarã doregũre beyegũ Jesu yarã árĩbirã “Ōagũ àhrimi,” erã arĩgũ dihtare beyeque erã ĩgũre werewũabiriborore. Ōaro iigũ ĩgũ árĩbiricũ ĩarã gajirã ĩgũre werewũabocoma. Eropigũ ĩgũ watĩ gamero dopa ta iigũ árĩbocumi.

Jesu yarãre itamurã diáconoare erã iiburire wererũ Pablo

⁸ Eropirã Jesu yarãre itamurãpure beyerã õarã árĩrã sãre beyeque. Erã gũhyadiaro árĩrãre, õaro diaye ta wereniguirãre, merebirãre, niyerure gamebirãre beyeque mũhũ. ⁹ Eropa ta Jesucristore õaro umupeorã “Goãmũ yare õaro diaye ta àhraa,” arĩrã árĩrãre beyeque. ¹⁰ Eropirã Jesu yarãre itamurã árĩdiarãre erã iirare ĩamuhtaque mũa. Mũa eropa ĩara pũhrũ erãpũ dipuwaja marirã árĩrã Jesu yarãre itamurã ñajaporo erã. ¹¹ Eropirã erã marasã nomepũ õpa árĩporo: Pee masirã nome, ñeri quere iibirã nome, gũhyadiarã nome árĩporo erã nome sã. Eropirã árĩpehreri õarire iiniguirã nome árĩporo erã nome. ¹² Eropirã Jesu yarãre itamurãre beyerã yujurãyeri nome ta marapocurã árĩrãre beyeque. Erã porãre gajirã erã ya wihi majarã sãre õaro ĩhadiburã árĩrãre beyeque. ¹³ Mũ eropa beyenirã Jesu yarãre õaro erã itamucũ gajirã erãre õaro ĩhasũarãcoma.

Eropirã õari buherire, Jesucristore erã umupeoburi sãre güiro mariro buherãcoma erã.

Goãmũ ya buherire werepũ Pablo

¹⁴⁻¹⁵ Dohpaguere mũ pohrogue wadiagũ iiraa. Eropa wadiaqueregũ dohpaguere wanibigũ ipũ mera mũre were gojabeogũ iiaa. Jesu yarã gamenererã watope mũa dohpa iiborore mũre were gojabeogũ iiaa, “Dohparagãre wabiriboca,” arĩgũ. Jesu yarã Goãmũ ojocarigũ yarã ãhrima. Īgũ yarã diaye árĩri buherire Goãmũ ya buherire õaro opama. Eropa oparã irire buheniguima. ¹⁶ I diaye ãhraa. Marire Goãmũ ĩgũ buhera mari õaro iiburi buheri ãhraa. Goãmũ iri buherire marire masicũ iimi. Iribojegue mari masibirira mũra õatariari buheri ãhraa. I buheri õpa ãhraa:

Īgũ Cristo mari dupũ iro dopa ta dupũcũgũ masa dehyoadigũ árĩmi. Ōagũ ñeri marigũ ĩgũ árĩcũ ĩhmudi árĩmi Espĩritu Santopũ. Anyua sã ĩgũre ĩanirã árĩma. Eropirã gũa ĩgũ buhedore apinirã gaji yeba majarãre ĩgũ yare buhebũ. Eropirã i yebare masa bajarã ĩgũre umupeoama. Pũhrũ umarogue Goãmũ aĩadi árĩmi ĩgũre. Iri ta ãhraa õari buheri.

4

Õari buherire cóãrãcoma arĩ werepũ Pablo Timoteore

¹ Espĩritu Santo ire õaro weremi: Pehrerinũ coregã yujurãyeri masa Jesu ya buherire cóãrãcoma. Eropirã gũyari buheripũre watĩ

yare buherãpure peenururãcoma erã. ² Iri buherire buherã gũyaniguirã wererãcoma masare. Erã gũyaniguirãpũ “Gũa tamerare dipuwaja mara,” arĩ pepirã árĩrãcoma. Erã ñero iirapũre ne guñasome. ³ Ōpa arĩ buherãcoma erã: “Marapocũbircãque. I barire babircãque,” arĩ buherãcoma erã. Erã eropa badorebiriqerrecũ ta Goãmũ barire ñhacũnugudi árĩmi mari baburire apigũ. Mari Cristore umupeorã árĩcũ õari buherire mari masirã árĩcũ, mari ya árĩburire õarire iri barire apipũ ñgũ. Iri barire oparã ñgũre “Ōhaa,” mari arĩcũ gahmemi ñgũ. ⁴ Árĩpehreri Goãmũ ñgũ ñhacũnugura õari ãhraa. Eropirã ñgũ ñhacũnugurare barire aĩrã. Goãmũre “Ōhaa,” arĩrã, “Irire basome,” arĩbircãro gahmea. Iri barire basũaro gahmea marire. Eropirã “Irire babircãque,” gajirã erã arĩcũ peebircãque erãre. ⁵ ñgũ ñhacũnugura iri õari árĩcũ weretuhapũ Goãmũ. Eropirã ñgũre “Ōhaa,” mari arĩra pũhrũ “Iri bari õari bari ãhraa,” arĩ baro gahmea marire.

Jesu pohro majagũ õagũre wererũ Pablo Timoteore

⁶ I yũ wererare diaye majare Jesu yarãre buhegũ Jesucristo pohro majagũ õagũ ãhraa mũhũ. Eropa buhegũ õari buherire peenurũgũ árĩgũca. Ōaro mũ peerare peenurũ masipehogũ árĩgũca mũhũ. ⁷ Eropigũ eropa erã arĩ bocarare, Goãmũ ya maja árĩbirirare peebircãque. Eropigũ Goãmũ gameri dihtare iiniguicãgũ árĩque mũhũ. ⁸ Mũ mohmepocũ õañaria.

Mu mohmepodiro tauro Goamu gamerire mu iipocũ òataria mure. Goamu gamerire iipogu dohpaguere òaro àhraa muhu. Eropigu mu sîrira pàhrugue sàre masa mûriagu òaro àrîgûca muhu. Eropigu Goamu gamerire iiniguicãque. ⁹ Iri diaye ta àhraa. Àrîpehrerã irire yu arîrare masirã, “Diaye ta àhraa,” arîro gahmea erãre. ¹⁰ Eropigu arîpehrerã yu arîrare masirã “Diaye ta àhraa,” erã arîburire Goamu gahmemi. Eropirã erã eropa iiburire mari turaro mohmea. Eropirã ñero taria mari gajirã marire ñero erã iicũ. Goamu ojocarigu arîpehrerãre peamegue wabonirãre taugu àhrimi. Îgure umupeorã tamerare îgu taumi. Goamu marire òaro iiburire masirã îgure mucubirirã iiaa. Eropa mucubirirã Goamu gameripure masa iiburire burigã buhe mohmea mari.

¹¹ Iri arîpehreri yu arîrare doreque Jesu yarãre. Eropigu irire buheque muhu. ¹² Mamu mu arîcũ ñarã gajirã Jesu yarã mure peedibiribocoma. Erã mure peeboro dopa òpa ii îhmuque erãre: Masare mahique. Eropigu Jesure umupeoturaniguicãque. Eropa arîgu dipuwaja marigu arîque. Mamu arîqueregu ta mu irire iicũ ñarã mure peerãcoma erã. Eropirã mu wereniguirire peerã, mu iirare ñarã mure îhacûrãcoma. ¹³ Eropigu mu pohrogue yu ejaboro core òpa ii òaro mohmeyuque. Jesu yarã gamenererãre Goamu yare gojarapure buhe îhmuque erãre. Eropigu erãre irire buhetuha werenemoque daja. Eropigu erãre òaro masinemocũ iique. ¹⁴ Ero core Jesu

yarã oparã Goãmũ dorecũ erãpũ mũ weca erã mojotorire duhpeoma. Erã mũre eropa duhpeocũ Goãmũ ïgũ turarire odi árĩmi mũre. Eropigũ Goãmũ ya árĩburire mũ mohmemasi-burire apidigũ árĩmi mũre Goãmũ. ïgũ mũre eropa mohmemasiburire apirare cãdijibita.

¹⁵ Yũ eropa wererare guña eropa iiniguicãque mũhũ. Mũ eropiira pũhrũ ðarire mũ iinemocũ árĩpehrerã ïarãcoma. ¹⁶ Mũpũ ðaro iique. Eropigũ ðaro buheque mũhũ gajiropa buheri arĩgũ. Mũhũ eropiigũ ïgũ taudigũ árĩgũ Goãmũ mera árĩniguicãgũca. Eropirã mũre peenirã sã ïgũ taunirã árĩrã Goãmũ pohro árĩrãcoma.

5

“Jesu yarãre ðpa iique mũhũ,” arĩpũ Pablo Timoteore

¹ Ne bũgũre turibiricãque. Mũ pagũre mũ ðaro iidiro dopa ta, bũgũ sãre ðaro mera wereque. Eropigũ mũ pagũ porãre mũ ðaro iidiro dopa ta, mamarã sãre ðaro umupeori mera erãre wereque. ² Eropigũ mũ pagore mũ ðaro iidiro dopa ta mũrã nome sãre ðaro umupeori mera wereque. Eropigũ mũ pagũ porã nomere mũ ðaro iidiro dopa ta, nóme sãre ñero ùaribejaro mariro ðaro umupeori mera wereque erãre.

³ Eropigũ wapeweyarã nomere diaye ta mo-jomocũrã nomere umupeori mera itamuque erã nome sãre. ⁴ Wapeweyo porãcũgo ïgo árĩcũ pãramerãcũgo ïgo árĩcũ sãre, erãpũ ïgore itamuporo erã masura waja. Eropa itamurã

Goãmũ masare erã acawererãre ïgu itamudorediro dopa ta iirã iima erã. Erã eropiicũ ïagu õaro Goãmũ mucubirimi. ⁵ Mojomorocũgo wapeweyo acawererã moogo árigo, Goãmũ igore itamuburire cohremo igoa. Eropigo ñamiri nũcũ, umuri nũcũ igo Goãmũre eropa serẽniguicãmo. ⁶ Gajigopũ wapeweyo árigo eropa iimaacãgo árigo ojocarigo áríquerego igo síporã dederebo síridigo iro dopa ta iimo. ⁷ Eropigu i árĩpehreri yũ werera wapeweyo itamuburire Jesu yarãre iidoreque mũhũ. Õpa wereque erãre õari dihtare erã iiburire gajirã erãre werewuabiriburire. ⁸ Eropigu yujugu ïgu acawererãre ïhadibubigu, ïgu porã erã pago sãre õaro ïhadibubigu “Jesu yagu ãhraa,” arĩmasibeami. Goãmũ dorediro dopa iibeami. Eropigu Goãmũ ya buherire yũhribigu ãhrimi. Jesure gamebirã tauro ñetariagu ãhrimi ïgũpũ.

⁹ Wapeweyarã nome mũa itamumorã árĩcũ erã waĩre gojaturãca. Mũa eropa gojaturã õpa árĩrãre erã waĩre gojatuque. Sesenta bojori ejabigo igo waĩre gojatubiricãque. Eropirã wapeweyo yujugu ta marapũcadigore gojatuque. ¹⁰ “Igo õarire iigo ãhrimo,” masa erã arĩgore gojatuque. Eropirã igo porãre õaro masugo árĩdigore gojatuque. Eropirã igo ya wihire gajirãre õaro mera ñajaridoregore gojatuque. Eropirã pohro majago iro dopa Jesu yarãre itamugore ñero tarirãre itamugore, árĩpehrerãre mojomoro ïagore, õari dihtare iidigore gojatuque. Eropa árĩrãre ïagu iripũ ta erã waĩre gojatuque mũa erã mũa itamumorã árĩborore.

11 Wapeweyarã nóme, nómeñari erã árĩcũ erã waĩre gojatubiricãque erã Jesu yarãre itamumorãre. Pũhrũ erã waĩre mũa gojatura pũhrũ erã gamero iidiarã Cristo yare duhu, dipaturi mojoto diribocoma. 12 Eropirã erã mojoto dirirã Cristore “Mũ yarãre itamugora,” erã arĩdirore iibiribocoma. Erã eropa iibirira dipuwaja dipuwajacũrãcoma. 13 Erã nómeñari eropa itamurã árĩrã tericũrã nome wahama. Eropirã wirigue ñajacurirã ñeri querere werenigui curima. Erã weredorebirirare werema erã nome. 14 Eropirã erã Jesu yarãre itamumorã ñajabiricãporo. Eropigu erã õpa iicũ gahmea yũhũ: Wapeweyarã nome, nómeñari árĩrã mojoto diriporo daja. Eropirã erã porãcũporo. Eropirã erã ya wihi majare õaro ñhadibuporo. Erã nome wapeweyarã nome eropa ta iicũ marire Jesu yarãre ñhaturirã “Ñerire iirã iima,” arĩmasibeamã marire. 15 Dohpague tamerare yujurãyeri nome wapeweyarã nome Cristo yare duhu watĩ gameripũre iinũgatuhama. Eropigu õpa werea mũre.

16 Jesu yarã erã acawerego wapeweyo igo árĩcũ erã igo acawererãpũ igore itamuporo. Gajirã Jesu yarãpũre igore itamudorebiricãporo. Eropirã erã Jesu yarã igore acawererã opagore itamubirã, gajirã nome wapeweyarã nomepũre itamumasima.

17 Jesu yarã oparãre erã mohmerire erã õaro iicũ ñarã umupeoque erãre. Eropirã õaro wajayeque. Yujurãyeri mũa mera majarã Goãmũ yare wererã mũare buherã sã ãhrima. Erã tamerare tauro umupeo wajayeque. 18 Goãmũ yare

erã gojarapũgue mohmegure mua wajayeborore õpa werea: “Wecu trigo yerire cãhratiãcũ ãgu disirore cãhmotabiricãque. ãgu gamero baporo,” arĩ gojañorã. Eropiro gajipũ õpa arãa: “Mohmegure ãgu mohmeri wajare oro gahmea,” arãa Goãmũ yare erã gojarapũgue. Goãmũ ya gojarapũ eropa arĩcũ peerã oparãre õaro umupeoque mua. Eropirã õaro wajayeque erãre.

¹⁹ Jesu yarã mera majagu opure yujugu ta ãgure weresãcũ peebiricãque. “Opũ ãgu õpa ñeri iirare ãabu,” perã o ãrerã arĩ weresãra pũhrũ peeque. ²⁰ Eropa peerã ãgu ñero iira arĩcũ ãatuhaja Jesu yarã gamenererogue turique ãgure, gajirã ãgure ãha masi gũiporo arĩrã.

²¹ Eropigu Goãmũ Jesucristo ãgu beyerã anyua erã ãhabeoro ire dorea mũre. Dohpague yũ mũre dorerare iipehoque. Eropa ãigu gajigure gajiropa, gajigu sãre gajiropa iibiricãque. Yujuropa ta ãique arĩpehrerãre Jesu yarãre. ²² Gajirãre Goãmũ mohmerire mũ beyemorãre erã weca mũ mojotorire duhpeoboro core õaro ãaque mũhũ ãha masiri mera yojaro mariro. Ñerire iirã arĩbocoma. Eropigu mũ erãre beyera pũhrũ erã ñerire iicũ erã ñeri iira dipuwaja opagũca mũ sã. Eropigu erãre beyeboro core erã arĩricũre õaro masique. Eropigu arĩpehreri ñeri mariro arĩque mũhũ.

²³ Bajasuburi paru pũrisũgu ãhraa mũhũ. Eropigu dohpaguere deco dihtare ihrigũ arĩgu, merogã vino sãre ihrique mũhũ ococũgu.

²⁴ Yujurãyeri erã ñerire iicũ mari ãhaa. Eropirã Goãmũ erãre dipuwaja moaborore ma-

sia mari. Gajirãpũre erã ñeri iirare mari ìha masibeaa. Pũhrũ erã ñeri iirare masirãca Goãmũ dipuwaja moarinũ árĩcũ. ²⁵ Eropã ta yujurãyeri õarire erã iirare masia mari. Gajirã erã õarire erã iirare dohpaguere masibiriquererã ta pũhrũ masirãca mari. Mari ìabirirare árĩpehorerã erã iirare pũhrũ iri dehyoacũ ìarãca.

6

¹ Pohro majarã Jesu yarãpũ erã oparãre õaro umupeoporo. Erã eropa umupeocũ ìarã gajirã Goãmũre mari arĩ buheri sãre ñero werewũamasibeama. ² Erã oparã Jesu yarã árĩcũ ìarã erã pohro majarãpũ gũã oparã sã Jesu yarã ta ãhrima. Eropirã “Erãre umupeobiricũ õaroca,” arĩbocoma. Eropa iibiricãro gahmea. Erã oparã Jesu yarã árĩrã erã mahirã yujugũ porã iro dopa ãhrima. Eropirã erã tamerare turaro itamuporo.

Goãmũre umupeori sãre, õaro árĩri sãre wererũ Pablo

³ I yũ wererare buheque. Eropigũ ire doreque. Gajiropa árĩrĩre gũyarire buherã mari Opũ Jesu-cristo ya buherire umupeobeama. Erã Goãmũre umupeori buherire gamebirã õpa iirã ãhrima. ⁴ “Masipehogũ ãhraa,” arĩquererã ta diaye majare ne masibeama. Eropirã pee masibirã iro dopa ta turaro game dũyasodiama erã. Eropirã Goãmũ yare arĩmaacãa dũyasorã ãhrima. Eropa dũyasorã, game ìhaturirã wahama. Eropirã gajirãre ñero quere moamasibiriquererã masare

ñero arĩ pepima erã. ⁵ Eropirã erã ñeri dihtare pepiniguirã, diaye árĩrire ne masibirã eropa d̄yasoniguicãma. Eropirã “Goãm̄ yare buherã niyerure wajatarãca,” arĩ pepirima. Erã eropa árĩrãre wapic̄bircãro gahmea. ⁶ Mari ya mari opari mera mucubirã Goãm̄re umupeorã diaye ta wajatarã ta iiaa. ⁷ I yeba-guere masa dehyoarã ne gajinore aĩgãribirib̄u mari. Eropirã mari s̄irirã warã ne gajinore aĩgãmasibea mari daja. Eropirã m̄ua opari mera dihta mucubirique. ⁸ Eropirã mari barire, mari suhri sãre oparã, gajire gamenemobircãrã. Iri n̄uc̄u mera ta mucubircãrã mari. ⁹ Niyerure gamerã doberi w̄uaro oparã árĩdiarã watĩ ñerire iĩḡu iidorerire árĩpehreri ñerire iirã árĩbocoma. Eropirã erã bajasuburi pee masibirã iro dopa ta gajinore gametarirã, ñeri Ɂaribejari duhubirã, erã basi ta ñero tarima. Eropa dedererã wacãrã iima. ¹⁰ Niyerure gametarirã árĩpehreri ñerire iinugama masa. Yujurãyeri niyerure gametarirã, Jesure umupeo duhura p̄hr̄u bajasuburi erã ñero iira waja turaro b̄ujawerema erã. Eropirã mari opariñep̄e ta mucubiriro gahmea marire.

Goãm̄ ya árĩburire iiboro dopa ñerire tarin̄gaque, arĩ gojañumi Pablo

¹¹ M̄u tamera Goãm̄ yaḡu ta ãhraa. Eropiḡu i ñerire iibircãro gahmea. Eropiḡu ñarip̄ure gameque. Goãm̄ yare iique. Eropa iiḡu Jesure “Diaye iiḡu ãhrimi,” arĩ umupeoque. Eropiḡu gajirãre mahique. Ñero tariquereḡu ta bocat̄iunque. Nijiyajaḡu árĩque masa mera. Eropiḡu

gajirãre tarinugadiagu árĩbircãque. ¹² Īgu mera árĩpehrerinuri mũ ðaro árĩniguicãburire Goãmũ beyemi mũre. Eropigu Jesucristore mũ umupeorire bajarã masare ðaro werebu mũhũ. Eropigu ñero tariqueregu ta ĩgure umupeo ĩgu yare duhubita umarogue ĩgu mera eropa mũ árĩniguicãboro dopa. ¹³ Goãmũ árĩpehrerãre árĩpehrerire árĩcũ iigu ãhrimi. Jesucristopũ Poncio Pilatore Goãmũ yare ðaro werepũ. Eropigu Goãmũ Jesucristo sã erã ĩhabeoro ire mũre iidoregũra: ¹⁴ Mũre Goãmũ ĩgu dorerare iipehocãque. Jesucristo ĩgu dujariboro core ñeri mariro, dipuwaja mariro ĩgu dorero dopa ta iiniguicãque. ¹⁵ Īgu queoranũ árĩcũ Goãmũ Cristore dujaricũ iigucumi. Goãmupũ ðagu ĩgu dihta masare doregu ãhrimi. Eropigu árĩpehrerã gajirã oparã erã tauro opũ árĩgu ãhrimi. ¹⁶ Eropigu ĩgu dihta ne sĩribigu ãhrimi. Īgu gosesiriri mera árĩgu ãhrimi. Eropirã masa ĩgu gosesirirogue ejamasibeama. Eropigu masa erã ne ĩabigu ãhrimi. Eropirã dohpague sãre ĩgure ĩabeama. Īgu eropa árĩgure umupeorã. Eropirã árĩpehrerinuri “Turagu ãhrimi ĩgu,” arĩã ĩgure. Eropa ta iirã.

¹⁷ Eropigu i yeba majarãre doberi oparãre ðpa arĩ doreque mũhũ: “Gajirãre tarinugaa yuhũ,” ne arĩ pepibircãporo. Erã doberi erã opari pehrea waroca. Eropirã “Yuhũ wũaro opari mera ðaro árĩgũca,” arĩ pepibircãporo. “Goãmũ yapũ mera ðaro árĩgũca,” arĩ pepiporo. Árĩpehreri diaye ta mari gameripũre ogũ ãhrimi ĩgu Goãmũ. Īgũpũre umupeoturaporo

erã doberi oparã. ¹⁸ Eropirã erã õaripure iiporo õarire erã iirã árĩboro dopa. Eropirã erã oparire mojomorocurãre orã árĩporo. ¹⁹ Erã eropiicũ umusigue Goãmũ pohrogue erã ya árĩroca. Erogue árĩcũ iri ne pehresome. Eropirã erogue õaro árĩniguicãrãcoma erã.

Pablo Timoteore doretupũ

²⁰ Mahgũ, mure Goãmũ ãgũ apirare ãgũ buhedorerare duhubita. Yujurãyeri masa Goãmure gamebirã iro dopa ta gũyarire, pee masibirã ya buherire wereniguima. Eropa wereniguirã “Õaro masirã buheri ãhraa,” arĩrima erã. Eropa erã wereniguirire peenurubiricãque. ²¹ Gajirã yujurãyeri erã wereniguirire peenurã Cristo ya buheripure cóãcãma.

Goãmũ ãgũ mahiri mera mure turaro õadorea. Eropa ta árĩniguicãporo. Iripẽta ãhraa.

Goãmu Yare Wereripu
Desano: Goãmu Yare Wereripu New Testament
copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022
17771afc-c309-57fd-9ff3-2d5a0cd59ff1